

中國歷代書畫 藝術論著叢編

李長林著



中國大百科全書出版社

徐
娟
主
編

中國歷代書畫藝術論著叢編

(46)



中國大百科全書出版社

(清)倪濤著

六藝之一錄

本冊目錄

六藝之一錄

.....

(清)倪

濤著
1

欽定四庫全書

子部

六藝之一錄卷四十六

詳校官中書臣陸湘

貢外郎臣牛稔文復勘

總校官檢討臣何思鈞

校對官中書臣陸湘

謄錄監生臣王宮

欽定四庫全書

六藝之一錄卷四十六

錢塘倪濤撰

石刻文字二十二

漢元儒先生妻壽碑

先生諱壽字元考南陽隆人也曾祖父攸春秋以大夫侍講至五官中郎將祖父大常博士徵朱尉司馬親父安貧守賤不可榮以祿先生童孩多奇岐嶷有志梳髮傳業好學不厭不脩廉隅不飭小行溫然而恭慨然而

欽定四庫全書

六藝之一錄卷四十六

義善與人交久而能敬榮沮溺之耦耕甘山林之杳藹遁世無悶恬佚淨漠俾使衡門下學上達有朋自遠冕紳莘莘朝夕講習樂以忘憂郡縣禮請終不回顧高位厚祿固不動心鹿絳大布之衣鵠鶩蔬菜之食蓬戶茅宇棖樞甕牖樂天知命確乎其不可拔也是以守道識真之主士高尚其事鄉鄰州郡開親屬懷年七十有八熹平三年正月甲子不祿國人乃相與論愬處謚刻石作銘其詞曰

皇矣先生裏惠惟明優於春秋元嘒有成知賤為貴與

世無爭彊漢衡門禮儀滋醇窮下不苟知我者天身歿
聲名千載作珍餘之日月與金石存

右元儒婁先生碑篆額今在光化軍婁君名壽以靈
帝熹平三年卒國人相與論德處詞諡之曰元儒先
生猶陳寔之文範法真之元德也隸釋又有忠惠父
魯峻碑亦非諡於朝者羣下私相諡非古也未流之
弊故更相標榜三君八顧之目紛然而奇禍作矣碑
首所篆婁字頗異圖經謂之翟先生碑歐陽公問之

欽定四庫全書

六藝之一錄
卷四十六

二

王洙原叔以李陽冰篆文證之始知元儒為婁姓西
漢紀從官給事官司馬中者注云宮之外門為司馬
門蓋今之皇城門也東漢志宮掖門凡七每門一司
馬考之於碑元賓為蒼龍司馬沈君為北屯司馬則
主南宮門者劉曜為朱爵司馬靈臺碑管遵為東明
司馬則主北宮門者婁君之祖為朱爵司馬而書作朱
時者猶帝堯碑以繼作繼校官碑以刻作爰省其文
也又有兩脩字皆作攸殆亦類此夫不脩廉隅不飭

小行居今則為過舉作文者乃以講婁君之美何也
書不云乎不矜細行終累大德漢儒其何擇焉釋
諱音大奚切讀音與而切麓即麤字耦即櫛字耦
即愛字裏即懷字同上

右漢元儒婁先生碑云先生諱壽字元考南陽隆人
也祖太常博士父安貧守賤不可榮以祿先生童孩
多奇岐嶷有志好學不厭不飭小行善與人交久而
能敬榮沮溺之耦耕甘山林之杳藹又曰有朋自遠

欽定四庫全書

六藝之一錄
卷四十六

三

冕紳華葦講習不倦年七十有八熹平三年二月甲
子不祿今光化軍乾德縣圖經載此碑景祐中余自
夷陵貶所再遷乾德令按圖求碑而壽有墓在穀城
界中余率縣學生親拜其墓見此碑在墓側遂據圖
經遷碑還縣立於敕書樓下至今在焉錄古

右隸書不著書撰人名字先生名壽字元考南陽人
隱居不仕以教授為業延熹中立在光化軍乾德縣
壽墓之側錄古

熹平三年正月立金石錄目

元儒婁先生碑在襄州金石略

右漢元儒先生婁壽碑集古錄云在光化軍乾德縣予自夷陵貶所再遷乾德令壽有墓在穀城界中而碑在墓側遂遷碑還縣立於勅書樓下則碑在當時得免於毀棄者歐陽公之力也隸釋云元儒先生蓋國人私謚猶陳寔之文範法真之元德而其末流之弊更相標榜三君八顧之目紛然而奇禍作矣予謂

欽定四庫全書

六藝之一錄卷四十六

四

漢人之好標榜其罹禍固宜然自漢至今千有餘年而私謚不廢亦未聞有罹禍者此又不可以執一論也光化軍即今襄陽府之光化縣而乾德亦其地云

金薤琳琅

婁壽碑陰

故五官掾婁伯三百故守長史掾夏光淵二百故從

事關張千故府掾子關二百故五官掾陳季高三

百故府掾終衆五百故督郵終仲行千故從事終尉嚮

二百故督郵終伯康千故督郵范仲隱五百故府掾婁

伯肩五千故校官祭酒婁就五百故府掾陳德賢四百

故府掾終尉興二百處亦夏仲高二百處亦夏芳高二

百處亦婁元關三百處亦終永梁二百處亦婁元關三

百處亦張彥關二百處亦婁尉都二百故守葉令終丈

勝二百故督郵陳瑋公二百故督郵婁尉生五百故府

掾婁仲約二百故府掾婁敬關百處士仲順二百

處士呂和孝二百處士豐子能三百處士婁宣卿二百

欽定四庫全書

六藝之一錄卷四十六

五

處士夏伯明四百處士陳子讓二百處士馮永南三百

處士鄧尉敬二百處士婁關臺五百處士婁芳碧五百

故從事南郡許孔俊三百故從事關陽關故五官掾

都尹紂關五百故督郵關仲關儀二百故督郵關

百故督郵關處士鄧超關處士郁關處

士友趙文宏三百處士汝南關處士關百處士

關處士關二百處士關二百處士關君

關百處士關舉關百處士關明百處士關二

右婁壽碑陰可見者五十四人浸滅者四人其稱南
 郡汝南者二人餘蓋南陽人也此碑在光化而歐趙
 不云有陰初若可疑蓋漢人立碑多有陰往往推拓
 者畧而棄之好古之士身在他壤無自而知也婁先
 生南陽人而此有葉令又其間姓婁之可見者十有
 二人以前碑合之大小與中穿適相等然後知為婁
 君碑陰決也諸人所書者皆其字隸

欽定四庫全書

六藝之一錄
卷四十六

六

梁相費汎碑

梁相諱汎字仲慮此邦之人也其先季文為魯大夫有
 功封費因氏為姓秦項兵起避墜于此遂留家焉世業
 稼穡好學禮樂大漢之闕官司相繼絕而復續至梁府
 君以孝友至行聞於鄉邑仕更郡右憲鄂賔直左公履
 法察孝廉除郎中屯騎司馬遷蕭令眩民如子先教後
 罰流元默之化奉以忠信守以敦篤在位九年百姓移
 風苛慝不佞姦寇不發變爭路銷推諫道生三年不斷

獄禎祥感應時沛有蝗獨不入界由此顯名國以狀聞
 朝廷嘉諸拜梁相宣慈惠闕不帥自正當登台階延究
 曷者被病遜位春秋八十卒二子慕闕鳳由宰府至堂
 邑令政九江太守適孫均感美斯之義刊銘元石旌勒
 厥美俾闕覽焉其辭曰

蘇蘇顯祖厥德懿鑠播勛於前萃碩基業遺愛於民福
 流後貽庶闕昌闕左堂闕室功烈休矣未昆勦力

右漢故梁相費府君之碑篆額今在湖州費君名汎

欽定四庫全書

六藝之一錄
卷四十六

七

堂邑令鳳九江太守政之父也鳳以威宗熹平中卒
 碑載費君二子所終之官此蓋其孫均所立故其銘
 有穆穆顯祖之句鳳碑云孝孫字元宰生不識考妣
 追惟厥祖恩蓬首斬衰杖則鳳之子已卒此所謂
 均乃九江之子得鳳畝一金之產者左氏傳魯僖公
 賜季友汶陽之田及費碑作季文誤也趙氏曰費有
 兩姓音讀不同源流亦異其一音蜚嬴姓出於伯翳
 史記所載費昌費中楚費無極漢費長房其後也其

一音祕姬姓出於季友琅邪費氏及梁相者其後也

釋隸
碑以寒郢郢為謬誤姬即氏字陞即地字同上

右漢梁相費府君碑其名字若云諱況字仲慮而況疑為汎慮疑為寬其官閥可見者為蕭令九年沛有蝗獨不入其界國以狀聞朝廷嘉諸拜梁相春秋八十卒其銘頗簡而文字僉完云縣縣顯祖厥德懿鏤插勛於前丕碩基業遺愛於民福流後昨自此磨滅不可識者八字其卒章云功烈休矣來昆戮力而穆字為縣古文多然集古錄

欽定四庫全書

六藝之一錄
卷四十六

八

右隸書不著書撰人名字君名況字仲慮官至梁相碑不載其鄉里及刻石年月在今南京集古錄目

右費汎碑在湖州其額題漢故梁相費君之碑碑云梁相諱汎字仲慮此邦之人也其先季文為魯大夫有功封費因為姓秦項兵起避地於此遂留家馬余家所收姓氏文字粗備以諸書參考頗多牴牾不

合姓苑云費氏禹後漢有長房蜀志有丞相禕又云今瑯琊亦有此姓音父位反李利涉編古命氏云費

欽定四庫全書

六藝之一錄
卷四十六

九

氏出自魯桓公少子季友有勲於社稷賜汶陽之田封邑於費子孫氏焉漢有費將軍其後有費忠費柔適蜀為寧蜀人忠之孫徙於荊州後遷江夏忠十代孫奕奕孫禕又家於蜀晉平蜀禕之子承復歸江夏林寶元和姓纂云費氏亦音祕史記紂幸臣費中夏禹之後楚有無極漢有直蜀有禕晉有詩又云瑯琊費氏直之後也陳湘姓林云費氏音斐夏禹之後余嘗考之此字有兩姓音讀不同源流亦異其一音斐贏姓出於伯翳史記所載費昌費中楚費無極漢費將軍費直費長房蜀費禕之徒是其後也其一音祕姬姓出於魯季友姓苑所載瑯琊費氏而此碑所謂梁相費君是其後也然則姓苑姓纂姓林皆云夏禹之後姓纂又云亦音祕及謂瑯琊費氏為直之後皆其差誤而編古命氏以費將軍費禕之徒出於魯季

友亦非也余又按春秋僖公賜季友汶陽之田及費而左傳亦以謂季友有功於魯受費以為上卿今以為季文有功封費者蓋碑之誤金石錄

堂邑令費鳳碑

惟熹平六年歲格于大元无射之月堂邑令費君寢疾卒嗚呼哀哉於是夫人元弟故關守卜關追而誄之其辭曰

君體履柔酥溫其如玉脩孝友乎閨闕執忠憲於王室

欽定四庫全書

六藝之一錄
卷四十六

十一

立迹州郡仕更右職舉直措枉疆衛關誠貢孝三署勛

譽有則出宰近甸民懷厥德色斯輕翔翻然高絜王人

述職分關

班爵台關

招助鼎調物退已進弟不營榮

祿栖遲歷稔項領滯畜彰土不庭黔民作虐命君關

政化關

行從善遷恩三暮恭

致道有恥且俗收守旌功

轉左堂邑垂拱不言而民帥伏三時之間卒以關洽是

天不弔命也早歿春秋六十六繫儀瘁傷泣涕連漉豈

愛我躬命不可贖臨終迷關

內發祖業良田畝直

一金推子弟息辭位讓財行義高邈卓不可及名實相副有始有卒關人善瘼兮切惻關

故吏故郵施業字世堅義民堂邑侯忠忠年十有一年

慈考早隕喪以備於禮制遂首而關壞而消辟地

關行母氏以關

而悼傷服關非五五緣杖

其未除廣陵之郡守東海關

聞寢疾而終卒凡百普

悲關

舜化比屋之餘慶隨關棺柩車哀以而逆

之祖載已畢訖還返其故鄉君關其節操悲其有關

欽定四庫全書

六藝之一錄
卷四十六

十二

每以關

其耆親忠關

君厚德念君之仁恩聞

君之隕隧剝斷而丰酸復截縑麻杖關君之柩棺扶號

而竭關泣涕其關

甫於岐山關

其

從之迷君而到官上書而慶屬君盡會息之關君

之關

君關三關

於山關列種嘉奇

樹特為之潤鮮忠業與關

猶君恩使然雖君有大化

孰能爾者難子喪之終關

思其顏而關死可贖不

愛關

人今君於彼卓譎而超倫吏民慕高蹤來者

其如雨偉名建勝石垂示於闕門下功曹徐侃字元節

主簿呂嘉字元闕主史陳信字聖舉主記史闕忠字建

臺門下游激闕字叔騰門下賊曹闕字聖臺門下

史曹助字仲臺闕史呂常字孝讓從掾位徐超字元賞

右漢故堂邑令費君之碑篆額今在湖州費君名鳳

自郎中嘗宰新平故鄣堂邑三邑以靈帝熹平六年

卒其妻之弟卜君追誄之乃作此碑碑中無名字見

之石君詩碑云祖業良田畝直一金推予弟息此固

欽定四庫全書

六藝之一錄
卷四十六

十三

可嘉至於退已進弟不營榮祿則又人之所難其云

行義高節卓不可及名實相副有始有卒信哉此云

黎儀瘁傷孔宙碑亦云乃綏三縣黎儀以康黎則黎

老之稱儀則讀如旄倪之倪也誄之後載施業戚忠

二人竭力送終之事業者鄣土之故吏忠者堂邑之

義民皆費君之舊部也其辭皆五言石磨滅文不相

屬初叙戚忠早喪慈考母服未除有廣陵之後聞計

來奔祖載還鄉及泉隧有期復截線杖扶號柩棺列

種奇木建立磐石此其大略也非五五者居喪非食

二十五月也岐山者其地名其後有門下功曹題名

者九人

碑以執為執格于大荒有耻且格皆不从木同上

右堂邑令費君碑云惟熹平六年無射之月堂邑令

費君寢疾卒嗚呼哀哉於是夫人元弟卜肩追而誄

之其後有銘詩碑所述費君事不甚詳悉而其名字

世次官秩具載于碑陰今附於後金石錄

欽定四庫全書

六藝之一錄
卷四十六

十三

右漢堂邑令費君碑乃君夫人之弟卜肩所撰蓋誄

辭也辭之後載鄣土故吏施業堂邑義民戚忠皆竭

力送終而忠之所行尤為卓絕攷之費君歿時忠有

廣陵之役既聞計來奔祖載還鄉及葬有期復截線

麻俯號柩前列植邱木誠可謂之義矣漢去古未遠

故民俗之厚如此若後世其可得哉金石錄

費鳳列碑

君明家中孫曰陵石勛字子才載馳載驅來奔于喪庭

肝確意悲感切傷心瞻彼碑誄懷之好音司馬慕蘭相
南容復白珪仰之以彌高鑽之而彌堅不堪言且思叙
詩之一篇庶選昔子貢起夫子之所言其辭曰

君諱鳳字伯蕭梁相之元子九江太守之長兄也世德
嚴爵銀焚相亞煥遐祖之鴻軌拓前代之休蹤邈遠越
而難繼非君愚之所頌仁義本於心慈孝著於性言不
失與衍行不越矩度清潔暇爾坐而不滓恤憂矜厄施
而不記由近及遠靡不覆載故能闡令名而雲騰揚威

欽定四庫全書

六藝之一錄
卷四十六

十四

聲而風布賤郡右職三貢獻計辟州式部忠以銜上渫
安二年吳郡太守東海郭君以君有透地之節自公之
操年世一舉孝廉拜郎中除陳國新平長神化風靡惠
以流下靜而為治匪煩匪擾乾乾日禋祿此黔首功成
事就色斯高舉宰司委職位思賢以自輔元懿守謙虛
白駒以騁隄丹陽有越寇浸

闕

命君討理之試

守故鄣長蓋危亂有不讓又畏此之周罔

闕

而收

爰止其師旅鵠若飛鴈鷄鷄若夫號虎彊者綏以德弱

者以仁撫簡在上帝心功訓而特紀輅輿宰堂邑暮月
而致道視

闕

遂據于卿尹中表之恩情兄弟與

甥甥鵠與女離性樂松之茂好聞君顯令名舉宗為歡
喜不恪奄忽終歲形而匿景耕夫釋耒耜桑婦投鉤咎
道阻而且長望遠淚如雨英馬循大路寒裳而涉洧悠
悠黍離思黃鳥集于楚惴惴之臨穴送君於厚土嗟
嗟悲且傷每食歌不飽夫人篤舊好不存亡改文平
感渭陽悽愴益以甚諸姑咸臂踊爰及君伯姊孝孫字
元宰生不識考妣追惟厥祖恩達首斬絰杖世所不能
為流稱於鄉黨見吾若君存剝裂而不已壹別會無期
相去三千里絕翰永忼慨泣下不可止

欽定四庫全書

六藝之一錄
卷四十六

十五

右費鳳別碑刻舅家中孫甘陵石勛詩一篇其辭云
瞻彼碑誄懷之好音謂卜君所作也其詩先叙世系
歷官繼以韻語六十句其三句六言餘皆五言石君
蓋鳳之中表也所述兄弟甥舅諸姑伯姊夫人孝孫
悲傷哀痛之意宛轉淒切費氏父子三碑合並列於

吳興校官之壁不知者指此為碑陰趙氏亦有斯誤
其中塗而不滓盖用涅而不緇鵠若飛鷹鵠若夫
號虎盖用號彼飛隼闕如號虎其字有不同者若非
假借則是傳授異也

隸釋

碑以確為推以遷為幾以遷蛇為委蛇以遷為遂

以基為菴以辟為躡

同上

右漢費鳳碑云字伯蕭梁相之元子也漢安二年舉
孝廉拜郎中除陳國新平長又云試守故鄣長其文

欽定四庫全書

六藝之一錄
卷四十六

十六

班班可見而卒葬年壽皆不載其後悲為五言韻語
其略曰不悟奄忽終藏形而匿景耕夫釋耒耜桑女
投鉤宮道阻而且長起坐淚如雨其文既非工故不

悉錄

集古錄

右石勛撰隸書不著書人名氏鳳字伯蕭漢安中歷
守故鄣堂邑長勛自稱鳳舅家中孫文悲為五字句

不著所立年月

集古錄目

右費君碑陰云君諱鳳字伯蕭梁相之元子九江太

守之長兄也世德襲爵銀文相亞又云君踐郡右職

三貢獻計漢安二年吳郡太守東海郭君以君有委

蛇之節自公之操年卅一舉孝廉拜郎中除陳國新

平長遂宰堂邑其後為五字韻語詞頗古雅而時時

殘缺不可次叙其前題君舅家中孫甘陵石勛字子

才所述云

金石錄

伯蕭碑陰者石子才之所作也子才甘陵人自稱君
舅家中孫瞻彼碑誅不堪哀思而叙之以詩也其詩

欽定四庫全書

六藝之一錄
卷四十六

十七

有云中表之恩情兄弟共甥舅萬與女蘿性樂松之
茂好聞君顯令名舉宗為歡喜不悟奄忽終藏形而
匿景又云策馬循大道寒裳而涉洧惴惴之臨穴送
君於厚土末又云一別會無期相去三千里絕翰永
怆慨泣下不可止賢哉石君不遠三千里而會中表
之喪也今之人以貴陵賤以富忽貧薄恩敗禮喜不
慶憂不弔者幾何人也嗚呼觀此碑者情友親厚之
心可以悠然而生矣

集古錄後錄

右漢堂邑令費鳳別碑歐陽公直以為費鳳碑趙明

誠則以為費鳳碑陰隸釋謂費氏父子三碑並列於

吳興校官蓋鳳之父汎為梁相有碑而鳳亦自有碑

此則鳳中表石勛字子才之所述也集古後錄謂勛

不遠三千里而會中表之喪觀此情友親厚之心可

以悠然而生則隸釋所稱別碑為是三碑今皆不存

此予得之四明豐解元坊宋榻本也

堂邑令費君碑燕平六年立有碑陰在湖州

欽定四庫全書

六藝之一錄

卷四十六

酸棗令劉熊碑

水經注作酸棗令劉孟陽碑

君諱熊字孟

廣陵海西人也厥祖天皇大帝垂精接

感薦生聖明

仍其則子孫亨之分源而流枝葉扶疏

出王別肩受爵列土封侯載德相繼不顯

光武皇帝之元孫廣陵王之孫俞鄉侯之季子也誕生

照明岐嶷踰絕長

柴守約履勤體聖心獻敦

五經之瑋圖兼古業覈其妙行脩言道

宜

京夏莫不師印六籍五典如源如泉既練州郡卷舒委

隨忠貞

效官

出省揚土流化南城政猶北辰

衆皇所從三祀有成來臻我邦循東

賞進薦碩約之以禮博之以文政教始初慎徽五典勤

恤民殷

革情清脩勸慕德惠潛流壺芳旁布尤愍縣

儀孜孜之踰帥屬後學致之靡泮草上之風莫不嚮應

悅誨日新砥

未盡道善必有所由處民之秉彜實我劉父其人魯無

欽定四庫全書

六藝之一錄

卷四十六

君子斯言取誨允我劉父言善誘人講禮習聆匪徒豐

學屢獲有年載克成神民協欣兩不相傷故德友歸焉

自古在昔先民有作洪敷則甄盛德

之罔極表賢表善揚幽拔微式序在位量能授宜官無

曠事

彈造設門更富者不獨逸樂貧者得順四時積和感暢

歲為豐穰賦稅不煩實我劉父吏民愛若慈父畏若神

明悔

乃相問咨度諏詢采摭謠言刊闕詩三章其辭曰

清和穆鑠實惟乾比惟嶽降靈篤生我君服骨啟聖允
鍾厥醇誕生岐嶷言協典墳懿德震耀孝行通神動履
規繩文彰彪續成是正服以道德民

有父子然後有君臣理財正辭束帛多矣闕夢刻像鶴

鳴一震天臨保漢實生闕敷明試賦授夷夏已親嘉錫

來撫潛化如神其神伊何靈不傷人

猗歟明哲東道之樞養闕之福惟德之隅淵乎其長渙

欽定四庫全書

卷四十六

二十

乎成功闕暇民豫新我闕通用行則達以誘我邦賴茲

劉父用說其蒙澤零年豐黔首歌頌

右酸棗令劉熊碑篆額石一行微有棗令劉字則知

所題非十即八也碑云出省揚土流化南城三祀有

成來臻我邦則酸棗非始仕之地碑美其勤恤民隱

恩威並行師厲後學善誘日新至叙力役之事尤詳

其辭云以卒為更愍念庶民勞苦不均為作正彈造

設門更富者不獨逸樂貧者得順四時積和歲豐賦

稅不煩可見劉君茲事尤為民便故百姓以劉父稱

之碑之所以作也以卒為更之上有為正二字而闕

其餘董仲舒云月為更卒已復為正小民安得不困

注云更卒謂給郡縣一月而更者正卒謂給中都官

者西京更有三品後雖改易官不得人則害常自若

也水經云酸棗城有縣令劉孟碑今碑損其一字歐

陽公不知碑在酸棗無以名其官遂謂之俞鄉侯李

子碑趙氏云光武子廣陵王荆以譴死李利涉編古

欽定四庫全書

卷四十六

二十一

命氏云荆生俞鄉侯平平生彪襲封據此熊當為彪

之弟然則於光武乃其曾孫而曰元孫碑之誤也唐

王建題此碑詩云蒼苔滿字土埋龜風雨消磨絕妙

辭不向圖經中舊見無人知是蔡邕碑元祐中蘇邁

書胡戢之語謂此與劉寬碑同建詩為不誣予謂此

固漢隸之上品似非中郎筆法其文有云七業勃然

而興咸居今而好古其詩則曰有父子然後有君臣

文律如此難以謂之絕妙辭也

隸

碑以亨為亨殺為隱究為允踰為諭偶為隅鶴在

鳴上省文作宦

同上

酸棗縣城內有後漢酸棗令劉孟陽碑

水經注

右漢俞鄉侯季子碑云君諱熊字孟下闕一字廣陵

海西人也厥祖天皇帝垂精接感篤生聖明子孫

享之分源而流枝葉扶疎出王別膚受爵列土封侯

載德君光武皇帝之元孫廣陵王之孫俞鄉侯之季子

也繇是而後文字缺減其稍稍可讀者時得其一二

欽定四庫全書

六藝之一錄
卷四十六

三

云六籍五典如源如泉既練州郡卷舒委隨化流南

城政猶北辰三祀有成來臻我邦仁恩如冬日威猛

烈炎夏吏民愛若慈父畏如神明其後又云採摭謠

言作詩三章據碑文無卒葬年月而其辭若此似是

德政碑按後漢書光武皇帝子曰廣陵思王荆荆子

元壽等四人皆封鄉侯史略而不載其名俞鄉侯者

不知為誰思王荆之第幾子也天皇帝之語自漢

以來有矣

集古錄

右隸書不著書撰人名氏君名熊字孟孟下缺一字

廣陵海西人漢之宗室父封俞鄉侯此其德政碑也

但曰來居此邦而不書其郡縣之名不著所立年月

在今揚州

集古錄目

右劉熊碑在今酸棗縣云君諱熊字孟孟下闕一字

按鄴道元水經酸棗城內有漢縣令劉孟陽碑今據

碑熊實為此縣令然則所闕一字當從水經為陽也

碑文云君光武皇帝之元孫廣陵王之孫俞鄉侯之

欽定四庫全書

六藝之一錄
卷四十六

三

季子也按後漢書光武皇帝之子廣陵思王荆以譴

死顯宗封其子元壽為廣陵侯又封元壽弟三人皆

為鄉侯而李利涉編古命氏唐書宰相世系表皆云

荆生俞鄉元侯平平生彪襲封今據熊當為彪之弟

然則於光武乃其曾孫而云元孫者疑碑誤

金石錄

漢酸棗令劉熊碑在本縣古城內按其文熊字孟陽

仕酸棗令百姓刻石紀績有陰記立碑故吏姓名

天

碑錄

酸棗令劉熊紀績碑有碑陰在東京金石略

右漢酸棗令劉熊碑集古錄作俞鄉侯季子碑且謂

碑云君諱熊字孟下缺一字復引後漢書光武子曰

廣陵思王荆荆子元壽等四人皆封鄉侯而不載其

名俞鄉侯者不知為誰金石錄引鄴道元水經注云

酸棗城內有漢縣令劉孟陽碑則所缺一字當從水

經為陽又引李利涉編古命氏及唐宰相世系表皆

云荆王生俞鄉元侯平平生彪襲封則熊當為彪之

欽定四庫全書

六藝之一錄
卷四十六

三

弟乃光武曾孫而曰元孫者碑之誤也隸釋謂歐陽

公不知碑在酸棗無以名其官遂謂之俞鄉侯季子

碑而引王建題此碑詩云不向圖經中舊見無人知

是蔡邕碑而又疑其非中郎筆法予則以為建生於

唐其云蔡邕碑者蓋本之圖經而非鑿空而言洪氏

不當於此而疑之也金薤珠璣

劉熊碑陰

故徵試博士下闕故華長蘇真下闕故華長戴耀下闕故上計

下闕故郎中計宏叔寵三百故兗州從事仇審李下闕三百

故下闕事君仇方孟飭三百故外黃守令尹松大德五百

故雍邱守令李保世德三百故雍邱守令下闕穆元憲三

百故外黃守令李卓卓異三百故守東昏長蘇勝德陽

二百故五百掾王選宜孟三百故雍邱守令王習叔河

三百故督郵左位宣高二百故督郵李璆景德二百故

督郵李徽景臺二百故督郵蘇翔山甫二百故督郵楊

茂季曾二百故督郵顏亮光祖二百故郡曹史李豫妙

欽定四庫全書

六藝之一錄
卷四十六

三

高二百故郡曹史顏詩惠祖二百故郡曹史楊寯世直

二百故郡曹史王仁公直二百故郡曹史王貢叔臺二

百故郡曹史蘇寧寧下闕二百故郡曹史仇惟彥成二百

故郡列掾李表憲臺二百故郡文學李義子仁二百故

浚儀守丞李璜伯璵二百故下闕守丞仇邵景傳二百

故陳留守尉樊殖仲舉二百故河隄從事下闕萬世下闕

故河隄從事李備彥下闕故兗州書佐尹維彥真

五百故雍邱守尉李謙子山二百故外黃守尉誠咸升